

PRIMLJENO:	03. 06. 2024.
Org. jelo:	02-1-1003-1/24

**UNIVERZITET U SARAJEVU**

**FAKULTET POLITIČKIH NAUKA**

Na osnovu člana 111. Statuta Univerziteta u Sarajevu i prijedloga odsjeka Socijalni rad, a u vezi sa članom 123. i članom 124. Zakona o visokom obrazovanju („Službene novine Kantona Sarajevo“, broj: 36/22) po prethodnoj saglasnosti Sekretara, Vijeće Univerziteta u Sarajevu-Fakulteta političkih nauka na sjednici 14.05.2024. godine donijelo je Odluku (br. 02-1-874-1/24) o imenovanju Komisije za izbor saradnika – asistenta na naučnu oblast „Socijalni rad“ u sljedećem sastavu:

1. Prof. dr. Sanela Bašić, doktor nauka socijalnog rada, redovna profesorica na Fakultetu političkih nauka Univerziteta u Sarajevu, predsjednica Komisije
2. Prof. dr. Sanela Šadić, doktor nauka socijalnog rada, redovna profesorica na Fakultetu političkih nauka Univerziteta u Sarajevu, članica Komisije
3. Prof. dr. Dževad Termiz, doktor nauka socijalnog rada, redovna profesorica na Fakultetu političkih nauka Univerziteta u Sarajevu, član Komisije.

Konkurs za izbor saradnika – asistenta na naučnu oblast „Socijalni rad“, jedan (1) izvršitelj, u radni odnos na puno radno vrijeme, raspisan je na temelju člana 28. i 34. Okvirnog zakona o visokom obrazovanju („Službeni glasnik BiH“, broj: 59/07 i 59/09), člana 121. Zakona o visokom obrazovanju ("Službene novine Kantona Sarajevo" broj 36/22), člana 234. Statuta Univerziteta u Sarajevu, u skladu sa Odlukom o dopuni Dinamičkog plana potreba za raspisivanjem konkursa za izbor u zvanje za studijsku 2023/2024. godinu Univerzitet u Sarajevu - Fakulteta političkih nauka broj 02-1-132-1/24 od 16.01.2024. godine ( pozicija 1), Ugovora o sufinansiranju zapošljavanja zaključenim između Univerziteta u Sarajevu i Federalnog zavoda za zapošljavanje, broj:0101-12084/23 od 28.11.2023. godine, Prijedloga Odluke Vijeća Univerziteta u Sarajevu - Fakulteta političkih nauka broj: 02-1-306-1/24 od 13.02.2024. godine i Odluke Senata Univerziteta u Sarajevu br.01-4-67/24 od 28.02.2024. godine. Konkurs je objavljen u dnevnom listu Dnevni avaz i na web stranici Fakulteta političkih nauka 15.03.2024. godine, izmijenjen 22.03.2024. godine, zatvoren 06.04.2024. godine.

Komisija je na konstituirajućoj sjednici 20. 05. 2024. godine donijela Poslovnik o radu Komisije za pripremanje prijedloga za izbor u akademsko zvanje, te otvorila pristigle prijave i provjerila dostavljenu dokumentaciju, te je konstatirala da se po osnovu Javnog konkursa za izbor akademskog osoblja u saradničko zvanje na Univerzitetu u Sarajevu – Fakultetu političkih nauka (oblast Socijalni rad), jedan saradnik, puno radno vrijeme, bez mogućnosti ponovnog izbora u isto zvanje) prijavilo ukupno 7 (sedam) kandidata/kinja. Prijave svih kandidata bile su blagovremene, što je konstatovano Potvrdom 03-1-915-1/24 od 17.05.2024. godine.

Nakon otvaranja pristiglih prijava Komisija konstatuje se da su prijave kandidatkinja:

1. Lejla Čeranić
2. Melika Džidić
3. Vasva Smajlović

uredne (potpune) i u skladu sa Konkursom za izbor u zvanje, te da je prijava kandidata

1. Hamza Kurtćehajić- neuredna (nepotpuna) - kandidat nije dostavio vlastoručno potpisanu prijavu na konkurs;
2. Maida Dedić- neuredna (nepotpuna) - kandidatkinja nije dostavila ovjerenu kopiju diplome drugog ciklusa studija;
3. Muedib Šahinović- neuredna (nepotpuna) - kandidat nije dostavio ovjerenu kopiju Uvjerenja o položenim ispitima;
4. Ifeta Burzić- neuredna (nepotpuna) - kandidatkinja nije dostavila Uvjerenje da se nalazi na evidenciji nezaposlenih.

U skladu sa Poslovníkom o radu komisije za izbor akademskog osoblja – saradnika na naučnu oblast Socijalni rad broj 03-2-915-3/24, od 20.05.2024. godine, na osnovu uvida u podnesenu prijavu i priloženu dokumentaciju, te razgovora obavljenog sa kandidatkinjama čije su prijave blagovremene i uredne, Komisija Vijeću Univerzitet u Sarajevu - Fakulteta političkih nauka podnosi sljedeći

## **I Z V J E Š T A J**

### **I Osnovni biografski podaci kandidatkinja**

1. Lejla Čeranić, rođena je 02.02.1999. godine u Travniku. Na Univerzitetu u Sarajevu- Pravnom fakultetu završila je dodiplomski (2017-2020/2021) i master studij (2022/2023) -Katedra za državno i međunarodno javno pravo, smjer Pravo Evropske unije (prosječna ocjena 9,80). Od 20.02.2023. godine po osnovu Ugovora o stručnom osposobljavanju bez zasnivanja radnog odnosa bila je zaposlena je u Općinskom sudu u Sarajevu na period od jedne (1) godine.

Aktivno govori engleski jezik ( C2 Certifikat).

Za vrijeme studiranja, kandidatkinja je pohađala više seminara, obuka i radionica iz pravne fenomenologije među kojima izdajavamo sljedeće: seminare „Otkaz ugovora o radu“ i „Mobing i diskriminacija na radu“ (decembar, 2021); „Procedure javnih nabavki“ (decembar 2022.);

„Organizacija i vođenje poslova zaštite na radu“ (mart 2023.); „Pravni i porezni aspekti obračuna plaće u FBiH ( mart 2022, “ljetna škole “ „Atrocity crimes prevention and human rights“ (IUC Dubrovnik, 9-13. maj 2022.; tečajevi: International Refugee Law (Pravni fakultet u Beogradu, 07. 03.- 06. 06. 2022); The Diversity of Human Rights: Human rights between morality, law and politics (IUC Dubrovnik, 28.08. – 02. 09. 2022.), European Union and Legal Reform ( juli 2022) i dodatno EU and Legal Transformation in Eastern Neighbourhood ( novembar 2022).

2. Melika Džidić, rođena je 22. 05. 1997. godine u Sarajevu. Na Univerzitetu u Sarajevu, Fakultet političkih nauka, Odsjek za socijalni rad završila je prvi ciklus studija (prosječna ocjena 9.40); magistrirala na Na Univerzitetu u Sarajevu, Fakultet političkih nauka, Odsjek za socijalni rad 2022. godine (prosječna ocjena 9.33).

Za uspjeh na prvom ciklusu studija nagrađena je *Srebrenom značkom Univerziteta u Sarajevu*. Aktivno govori engleski jezik.

3. Vasva Smajlović, rođena je 26. 06. 1999. godine u Zenici. Na Univerzitetu u Sarajevu, Fakultet političkih nauka, Odsjek Politologija 28. juna 2021. završila je prvi ciklus studija, smjer Međunarodi odnosi i diplomatija (prosječna ocjena 9.47); magistrirala je 2023. godine na Univerzitetu u Sarajevu, Fakultet političkih nauka, Odsjek za socijalni rad (prosječna ocjena 9.67).

Dobitnica je *Zlatne značke Univerziteta u Sarajevu* za uspjeh ostvaren na drugom ciklusu studija i *Srebrene značke Univerziteta u Sarajevu* za uspjeh na prvom ciklusu studija.

Aktivno govori engleski, a pasivno njemački i španski jezik.

Tokom studiranja bavila se volonterskim radom u Udruženju invalidnih i bolesnih osoba „Ruka podrške“, radeći pisanju projekata i vođenju umjetničkih i kreativnih radionica, te pohađala brojne edukacije i seminare, od kojih izdvajamo sljedeće: „Model International Criminal Court“ (Kreisau-Initiative, februar – mart 2017); )Međunarodna ljetna škola „Innovative Social Work Reserach in Southeast Europe: Integrating Justiec, Human Rights and Civic Enagagement“ u organizaciji Gender and Leadership in Social Work Networka-a, koja je održana u septembru 2023. godine na Univerzitetu u Sarajevu, Fakultet političkih nauka i za koju je kandidatkinja stekla dodatna 3 ECTS-a; radionice „Videmocracy“ (Erasmus +, august, 2019.) i „Pristup pravima žena kroz informisanje i angažman sa vlastima grada Sarajeva i njegovim općinama“ (ACCESS projekat, novembar 2022.); edukaciju/trening „Change the Narrative“ (AHEAD projekat, oktobar 2023) i „Osnove pripreme i pisanja projekata“ (Nadbiskupski centar za pastoral mladih 'Ivan Pavao II', oktobar 2023); seminar „Političko obrazovanje“ (Konrad Adnauer Fondacija, novembar, 2023) i dr.

## II Dosadašnja akademska postignuća kandidatkinja

### a) Objavljeni radovi

1. Lejla Ćeranić je u svojstvu autorice objavila 1 (jedan) stručni rad: Ćeranić, L. (2022). Pravo na azil u Bosni i Hercegovini. *Pravna misao*, 9-10, 32-59.
2. Melika Džidić nema objavljenih radova.
3. Vasva Smajlović nema objavljenih radova, u procesu pripreme je naučni rad koji se temelji na izlaganju „Kvaliteta života osoba s invaliditetom“ koji je kandidatkinja prezentirala na IV Međunarodnoj znanstvenoj konferenciji „Društvena kriza i socijalni rad“, u martu 2024. godine.

### b) učešće na domaćim i međunarodnim skupovima i konferencijama (sa izlaganjem)

1. Lejla Ćeranić nije navela informacije o učešću na domaćim i međunarodnim naučnim/stručnim skupovima.
2. Melika Džidić nije navela informacije o učešću na domaćim i međunarodnim naučnim/stručnim skupovima.
3. Vasva Smajlović priložila je certifikat o sudjelovanju sa izlaganjem (pod naslovom „Kvaliteta života osoba s invaliditetom“) na IV Međunarodnoj znanstvenoj konferenciji „Društvena kriza i socijalni rad“ – 'Buen Vivir – Zajednička budućnost za transformativnu promjenu“, koja je održana na Fakultetu političkih nauka 19. marta 2024. godine. Uz izlaganje, kandidatkinja je na navedenom skupu moderirala jedan od konferencijskih panela.

### III Prijedlog Komisije


Na osnovu perzentiranoga, Komisija za izbor u zvanje na naučnu oblast Socijalni rad sa zadovoljstvom predlaže Vijeću Univerziteta u Sarajevu – Fakulteta političkih nauka da prihvati ovaj izvještaj i izabere kandidatkinju **Vasvu Smajlović** u zvanje asistenta, te uputi njezin izbor na potvrđivanje Senatu Univerziteta, imajući u vidu da predložena kandidatkinja ispunjava uslove predviđene članom 113. tačka a) Zakona o visokom obrazovanju („Službene novine Kantona Sarajevo“ broj: 36/22) članom 226. Statuta Univerziteta u Sarajevu.

Sarajevo, 31. maj 2024. godine

#### KOMISIJA



- 
1. Dr. cs. Sanela Bašić, redovna profesorica na naučnoj oblasti Socijalni rad, predsjednica Komisije



- 
2. Dr. sc. Sanela Šadić, redovna profesorica na naučnoj oblasti Socijalni rad, članica Komisije



- 
3. Dr. sc. Dževad Termiz, redovni profesor na naučnoj oblasti Socijalni rad, član Komisije